

PROJEK “KF EYECARE FOR LABUAN”; 250 MURID TERIMA CERMIN MATA PERCUMA



Labuan, 8 Januari 2026 – Seramai 250 murid sekolah rendah daripada 17 buah sekolah di Labuan telah menerima cermin mata preskripsi percuma menerusi projek “KF EyeCare for Labuan”.

Ia satu inisiatif komuniti bagi membantu meningkatkan kualiti pembelajaran dan kesejahteraan murid-murid yang memerlukan.

Program telah dimulakan oleh Lions Club of Tenom Host dan dianjurkan bersama oleh “Blue Dolphin Swim Club” serta JPKK Kampung Layang-Layangan, dengan kerjasama Jabatan Pendidikan Labuan.

Majlis penyerahan cermin mata telah diadakan di SK Pekan Dua dan disempurnakan oleh Pengarah Pendidikan Labuan, Yahya Ahmad Puteh, bersama-sama Timbalan Pengarah Sektor Pengurusan Sekolah, Sawal Salleh.

Matlamat utama projek ini adalah untuk menangani masalah penglihatan dalam kalangan murid yang boleh menjejaskan prestasi akademik dan keyakinan diri. Melalui bantuan ini, murid-murid diharap dapat mengikuti pembelajaran dengan lebih jelas, selesa dan berkesan.

Inisiatif membuktikan kerjasama strategik antara badan bukan kerajaan (NGO), kelab sukan, jawatankuasa kampung dan agensi pendidikan kerajaan dalam menyokong pembangunan dan masa depan generasi muda di Labuan.

[#beslabuan](#)

[#beritalabuan](#)

SUMBER BERITA : FB BES Labuan















